



Uunga: Juliane Enoksen, Inatsisartuni ilaasortaq

13.11.2024 Apeqqarissaarnermi apeqquteqaatinut akissuteqaatit.

25-11-2024
Suliap normua: 2024-22157
All. nr. 24788914

Saviminilerinermik ilinniarfissaq nutaaq pillugu apeqquteqaatinut attuumassuteqartunut naleqquttunullu Naalakkersuisoq qujassuteqarpoq.

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

UKA2024-mi Inatsisartut apeqqarissaarnerani apeqqutit marluk apeqqutigineqarput:

1. Saviminilerinermik ilinniarfissap nutaap killiffia qanoq ippa?
2. Ilinniarfissap nutaap sananeqarneranut atatillugu inuusuttunut suliffissatut eqqarsaatigineqarpa?

Uunga tunngatillugu 1

Killiffik 2024 Saviminilerinermik Ilinniarfiup sananeqarnissaa pillugu tunngaviumik aalajangiussaq pillugu Naalakkersuisut isummernissaannut tunngavissiaq Naalakkersuisut ullormi 25.04.24 suliarisimavaat. Saviminilerinermik Ilinniarfiup nutaap Sisimiuni sananeqarnissaa Naalakkersuisut aalajangiuppaat.

Pilersaarusiorluni sulineq kinguneranillu suliniuteqarnerit maanna Ineqarnermut aamma attaveqaateqarnermut Naalakkersuisoqarfimmit aallartinneqareersimapput.

Uunga tunngatillugu 2


2024-2030-mut Ilinniartitsinermit periusissiap nutaap atuutilerneranut atatillugu, suliffimmi sungiusartunut, ilinniartunut aamma sulinermik ilinniartunut siunnersuisarneq ikiuisarnerlu Majoriamiit brancheskolenut nuunneqassaaq. Peqatigiisaanillu brancheskoleni tamani "suliffimmi misiliinissami ataqatigiissarisutut sulialimmik pilersitsisoqassaaq, taakkualu suliffimmi sungiusarfissanik nassaarniarnermi qitiusutut inissisimassapput.

Tamanna takuneqarsinnaavoq § 33-mi. 1) Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 31, 4. juni 2024-meersumi 1. januar 2025-mi atuutilersussami allassimavoq suliffimmi sungiusartunut, ilinniartunut aamma sulinermik ilinniartunut siunnersuisartut brancheskoleni tamani atuutilersinneqassapput, taakkualu suliffeqarfinnut pulaartassallutik suliffinnik sungiusarfissanik nassaarnissaaq siunertaralugu.

Aalajangersakkap oqaaseqaataani takuneqarsinnaavoq, atuuffimmi siunertarineqarmat, suliffimmi sungiusartarnerit pillugit suliassat arlallit, tamatumunnga ilanngullugu brancheskolimi ilinniartunut sapinngisamik amerlanerpaanik suliffinnik sungiusarfissanik pissarsinissaaq anguniarlugu ujartuilluni suliaraqarneq. Ujartuilluni suliaraqarnermi pingaartillugu suliarineqassaaq, ilinniartunik atorfinitsitsinissaaq anguniarlugu suliffeqarfinnut suliqaartunullu pulaaqattaarneq.

Ilanngullugulu suliqaarfimmi suliarineqartassapput, suliffimmi sungiusarnerup ingerlanerata pitsaasumik ineriartortitsinerup ataqatigiissarneqarnissaa kiisalu brancheskolit tamarmik akornanni suliffimmi sungiusartarneq pillugu suleqatigiinneq.

Inussiarnersumik inuulluaqqusillunga

A handwritten signature in blue ink, appearing to read 'Aqqaluq B. Egede', written over the printed name.

Aqqaluq B. Egede